



穀音集序
往予令江
子偕諸生
秋進予已
偕諸生進
心而奇異

韻疇
于連
伯

前發
臥文

又秋
前發

而奇異

趣比予遷稽勲數年
改南兵暫則伯子嬰
中秘之命矣歌前後
夙詩辭進予閱而訝
心曰懿矣何相違來

遜而所造頓殊之廣
陵固號寸果褻然
於夷霄蔚朕於青冥
古車業之至於詩關
十色而計心搜隱見

而目以總論不為少
析屬不為多誠難矣
伯學特造華腴以辭
直續菑初以響見不
卓而氣不雄序泊子

剽避席曰功名儻末
物文章不朽事不待
智者而知名待智者
而斤若不佞遠望當
歸非能賤之矣已遂

歌非秦雅也所謂舖
糟啜醢循條邊柅惟
先生引而進以庶幾
之予蚤而業公車已
而勤官守詩亦未遑

雖然嘗聞心矣詩者
淵閣所重在音非
矯致辟鼓琴爲弦太
緩則驟響弦太緊則
響盪必子弦調適而

歆 越 即 律 後
天 皇 織 音
地 能 離 合 成
泣 一 綠 而 音
鬼 唱 綺 後 成
神 三 朱 化 而
序 嘆 弦 生 後
是 而 疏 否 中

眇 心 辟 能 音
業 席 采 音
焉 之 曰 狀 詩
嗛 若 詩 杳 心
不 覺 之 首
倭 音 伯 然
心 上 子 而
待 音 知 覆 不

廣而後能久而後成
有侶於穀遂臥穀音
名異集乎更奇異趣
而序之臥廣吳傳云
第曆壬寅夏曰關中

陽紆坐人武以望書
于白門公署
新韻尋弟程燿伯
與甫渴書



穀音集序

淮南黃一正定父撰



穀音集集孟武于子所為詩而
輿司馬武公序之予竟閱而重
有感焉夫詩天地自然之音原

之性情而發之永言者聖王以
之觀風以之觀政以之歆鬼神
以之燕賓客六義分而教化就
所繫非眇小者文人學子徒競
韻言失其真矣真失難與言教
漢魏以逮李唐各擅顯門猶存
矩度自舉業科設而時義顯重
遂以詩為他岐末務言一及之
闕以為詫求其如唐邈不可得
况等而上之如其所謂真者乎

間有兼才鴻碩時古并盛彈壓
詞壇畸人逸士脫畧公車追媿
風雅復代不數人人不數首常
私爲之旣矣乃孟武生長黃榜
紫標之家早膺鵬章艾綬之秩
顧返旆於蘧廬設朝於別墅築
醉墨之館幽經秘錄徃帖奇紀
罔不具列昕夕披閱酣暢其中
開芙蓉之社延迎合志操觚摛
藻期以盛唐爲門戶漢魏爲堂

皇風雅為壺奧務成鼓吹毋墮
鏤冰遂集篇什取正大方題曰
穀音其高雅之懷撝謙之志誠
可尚矣然穀乃鳥子初生待哺
昔氣弱音纖美惡未分何以入
聽凡鳥則然若夫頻伽之穀則
角一出而和雅之音薄於高空
不待夷堅師曠而咸知其為仙
禽矣何者其氣殊其音真也此
固孟武不言之意而武公所以

序之歟

萬曆壬寅冬日

新安詹濂淑正書

敷音集

廣陵于承祖孟武父著

雨中對酒東武陽紆輿司馬

江天漠々水層波千里懷人奈雨何隔岸山容
當檻迥傷崖柳色入窻多久無朱鯉傳消息漫
有青尊對薜蘿浪迹風塵甘澹泊年來生計祇
蹉跎

秋雨過黃定父先生弘志閣

落木亂秋聲。蕭瑟風雨清。登樓度亮興。作賦伸
宣情。銀燭高燒短。金尊入夜傾。侯芭今問字。訐
論快生平。

登城晚眺

登樓砧杵萬家秋。坐對吳山月滿樓。兩岸蘆花
秋水白。一聲漁唱起汀洲。

偕陶元獻郊行

西風正蕭索。落木亂紛紛。古渡人稀迹。荒村鹿
麋羣。鷗眠沙岸草。鴈度嶺頭雲。漁唱歸來晚。孤
帆帶夕曛。

送陸長倩之雲間

驪歌唱罷玳筵收。忍見吳帆天際流。此去鄉園
鱸正美。莫忘雁字到江洲。

秋風颯々布帆輕。江上芙蓉送客行。明日早傳
吳下作雲間舊識。陸機名。

九日京口登高

旅館逢佳節憑高入望賒晴光橫遠翠秋水浸
平沙看菊追陶令登臨憶孟嘉興來拚一醉遮
莫夕陽斜

秋夜陳兆聖汪季仁集芙蓉社中聯句

霜夜悲搖落欣逢二仲過

孟武

談詩嫌燭短懷

古覺愁多

兆聖

月色侵書幌星文亂絳河

季仁

相看憐意氣尊酒且狂歌

孟武

喜陳汪二社丈至留酌

薄暮故人至驚聞詩句新涼風清客坐明月澹
江津看劍光仍滿啣杯意更親雄談自無厭不
覺漏聲頻

冬夜偕姚躍鱗吳九有陳兆聖集汪季仁
齋中

月滿高齋夜色新相將同調興偏真歌殘銀燭
寒侵席舞促金尊漏下頻鴈逐片雲橫紫塞霜
催敗葉墮蒼旻汪倫自是高陽侶沉醉何妨倒

角巾

初冬同社中諸子登大觀樓共得天字

傑閣依雲漢長江俯檻前晴光開遠霧霽色靄
遙天古寺荒村外深林落照邊波平閒浴鳥風
急促行船作賦同元亮登樓擬仲宣徘徊歸去
晚更喜月娟娟

過陳兆聖浴日軒

結屋依流水開窻對碧波草橋荒蘚斷山寺暮
鐘和日影疎荷芰池陰散薜蘿不妨投轄飲入
夜興偏多

燈下留別樊陳二文學

高閣張筵酒力微夜深言別雪花飛明朝江上
孤帆去翹首鍾山對夕暉

江行憶樊陳二文學

客久鄉思切揚舲江上行風狂知浪猛水急覺
潮生宿鴈迷前浦殘霞暝晚晴不堪添別恨惆

長望神京

同姬躍鱗樊聖如二社丈舟泊朱家埠

日落停孤棹江風起夕波村燈懸斷岸旅雁渡
關河夜色當窻暗寒威入坐多客懷寥落甚支
枕聽漁歌

放舟白下懷毛思近比部

蘆花如雪舞江邊遊子時乘白下船潮入龍江
千浦合山從建業萬峰懸憂時頻拂青萍鏢對
酒還歌白雪篇遙憶仙郎增別恨魚書何日到
君前

過訪陳如玉美人

閑步到平康相依錦瑟傷簾疎容竹影風細透
花香艷舞矜長袖嬌歌任遶梁秦淮重晤爾尊
酒興偏狂

穀日同諸社丈小集鈞玄室對雪觀妓得

蘇字

雅集名流興不殊况逢穀日醉屠蘇老梅香細
全侵座瑞雪花飛欲障途入夜詩成仍刻燭當
杯耳熱更呼盧紅裙復助吟眸豁一曲陽春和
者無

清明日同社中諸子郊行共得青字

北郭饒春事開尊喜聚星柳條新變綠草色遠
含青極目看遊驥論心坐水亭芳晨難再得未
敢獨言醒

喜汪玉成至留酌

多君湖海已經年此日忻逢故玳筵谷口松聲
疑瀑布枝頭鳥語似調絃詩當七步慚予拙賦
就三都羨爾妍握手相看更相惜郢中詞客幾
人憐

春暮同陳兆聖汪季仁過西方菴

春暮過禪院晴光點碧苔雲融諸品淨花落一
僧來覺路空中悟迷途靜裡開經聲和鳥語聽

極幾徘徊

春日同社中諸子登大觀樓共得樓字

草色醉汀洲
遙天宿雨收
山光牕外落
帆影鏡中浮
鷗鷺衝潮起
帆檣逐水流
憑高誰作賦
王粲舊登樓

春日同汪季仁登焦山訪韞璞上人次王

都諫韻

一天霽色靄慈林
石磴躋攀興更深
風引濤聲

侵座冷樹連帆影
到杯沉海門日出明
禪榻竹徑煙銷度
野禽得晤支公話
清淨欲超忍辱自看心

春雨集姚社長齋中共得雞字

揚柳離披拂戶低
那堪風雨日凄凄
緋旆亂落垂簾外
綠草平鋪曲徑西
同調詩成霏玉屑
當筵香裊動金猊
招携此日情無限
取醉何妨達曙雞

社中諸子小集別業賞牡丹共得花字
別業開尊日欲斜
窻前鳥語弄清華
香隨粉蝶侵歌席
色借胭脂鬪綵霞
樂事且傾金谷酒
愁懷強賦玉階花
濃妝淡抹真堪賞
醉倚雕闌興轉賒

同陸長倩社丈登金山問李郁菴病

如何君亦病問爾到山巔
目斷東南水窻分吳楚烟
談玄飛法雨
煮茗汲山泉
信步長廊下逢

僧話四禪

同莫印南夏歷山冒雨登金山江天閣

與客登臨日淒其風雨來
雲橫京口岸樹斷廣陵隈
山閣浮鰲背江帆度酒杯
憑高興無極僧院暮鐘催

同姚躍鱗陸長倩汪季仁集陸季願雲獻

樓觀妓

日晏成高會登樓逸興賒
筵人似玉對月貌

如花萬井收殘雨，千峯駐落霞。主人能好客，畱
醉待啼鴉。

塞下曲

憶昔從軍出玉關，年來羸得鬢毛斑。而今猶自
追驕虜，何日功成足馬還。

塞外霜威擁戰貂，西風颯颯馬嘶驕。城頭一片
關山月，獨照征人萬里遙。

朔風吹雪滿刀環，白羽雕弓射獵還。一自功成

百戰後，更無胡騎到陰山。

邊城二月不知春，草白沙黃倍慘神。謾上龍堆
望鄉國，胡笳一曲淚沾巾。

採蓮曲

吳娃蕩漿鏡湖濱，十里荷花過雨新。岸上誰家
輕薄子，停鞭指點洛川神。

少年行

金鞍玉勒紫貂裘，日日邯鄲上酒樓。常擬身効

餘一劍酬恩何地不封侯

同社中諸子登金山

得明字得流字

水國環初地波心出化城山當兩岸秀燈向一
龕明花雨侵幡影松風入磬聲寥寥人境隔相
與問無生

載酒過山寺禪房木石幽龍緣聽經出雲自到
亭留帆遠疑全沒江平似不流凭高望吳楚烟
樹使人愁

甘露寺同汪玉成夜坐

風色撼江流明蟾出樹頭漸通三昧法頓悟萬
緣浮清梵雲中落禪燈象外幽坐深塵慮寂鐘
磬下西樓

社中諸子載酒過訪志謝

華戶稀人迹高車此日過世情于我淡交道自
君多搖落傾尊酒憂愁強放歌雄談天欲暮微
雨點蒼波

宮詞

暗將紅泪落那得玉顏開
春草時時綠君王何日來

久不侍未央香塵上紅袖金闌曉
鐘鳴梨花隔窻瘦

憶昔入宮日羊車幾度過而今對春色不奈畫
雙娥

昨宵春夢中君恩不我棄
靈鵲花外鳴恐是鸞

輿至

偶坐雞籠山蘿薜山房喜樊聖如文學陳
諧孺徐季美二太學載酒過訪

有序

予于壬寅之夏突遭外侮于是買舟白
下為采真遊日與惟一上人談無生
劫超忍辱相雖然不無高堂之思適
吾鄉諸君子卒業南雍載酒過訪少
破寥寂喜而賦此

逃禪依梵院蘿薜倚山隈忽枉高人駕頻傾濁
酒杯龍池春水漲鴈塔夏雲開嫩竹含青粉蒼
松蔭碧苔多愁常作客苦病強登臺作賦憐予
拙新詩羨爾裁流連情不厭長夜共徘徊

同樊聖如汪仲升坐憑虛閣望鍾山

載酒臨高閣飛觥入望賒山光浮野樹王氣藹
朝霞柳隱鶯聲澀窻含花影斜倚欄快心賞相
與惜年華

白門懷社中諸子

作客苦離別懷人羈旅情衡陽斷歸雁建業聽
啼鶯古渡浮烟沒荒村夕照明何時趨白社賡
和快平生

登憑虛閣

憑臨高閣興悠哉捲幔山光擁坐來覽勝慢揮
鄉思淚愁懷強泛掌中杯

憑虛閣懷古

萬井樓臺煙雨中參差古木遶禪宮停杯共話
當年事六代豪華盡是空

樊聖如載酒遊牛首山寺中有倒懸塔影

嶙峋山勢隱旃檀鳥道雲陰度藥欄竹裏飛泉
晴作雨松間夜月晚生寒倒懸塔影當窻挂環
抱江流倚檻看我醉狂歌渾不倦恐教如意碎
琅玕

陳諧孺太學偕樊聖如社丈徐季美太學

招遊燕子磯得隈字

千尋亭榭倚山隈檻外濤聲入坐來帆挂東南
天塹險山連吳楚地形開啣杯且泛磯頭月與
客同登江上臺遙憶故園頻北望天涯遊子幾
時回

徐季美偕樊聖如汪仲升陳諧孺社丈招

遊棲霞寺得浮字

杖策尋幽快勝遊滿空飛翠望中浮千峰迢遞

排青嶂萬壑參差浸碧流
古殿鐘聲清俗慮深
林鳥語喚鄉愁何時頓悟無生劫
遮莫忘機逐海鷗

同樊聖如秦淮泛舟

擊楫秦淮渡翻疑鏡裏遊
繁荷清暑氣疎柳綰鄉愁
水影搖晴日波光泛野鷗
不堪同逆旅何日大刀頭

同許觀父樊聖如汪仲升三社丈陳諧孺

徐季美二文學遊雨花臺

結伴登臨興壯哉一天法雨亂山隈
雲中宮闕參差見樹杪帆幃迢遞來
淹蹇風塵空說劍蹉跎歲月強登臺
多君把玩人間世共醉高陽濁酒杯

午日酌憑虛閣

客舍酬佳節蒲觴午日傳榴花紅噴火
柳帶綠含煙岐路饒知己風塵異昔年
那堪成浪跡鄉

思獨淒然

登木末亭

孤亭高與白雲連
選勝飛觥醉管絃
滿目晴光浮洞壑
澄江如練夕陽邊

同史澹如太學樊聖如文學長橋步月

長橋一片月清影
逼瑤池艷曲歌金縷
霓裳醉玉卮
水光侵座冷霧氣到筵遲
此夕成良會
抽毫共賦詩

送史澹如還邗江

陌上踈楊自可攀
驪歌忽動淚痕斑
征帆遠渡三江水
擊楫遙看北固山
君去故園開笑口
予當逆旅駐愁顏
欲知別後相思處
廿四橋邊月一彎

述懷

客思淒其鄉夢生
牀頭涼月照人清
可憐飄泊天涯子
愁聽催歸半夜聲

聞鐘

細雨霏霏暑氣收
南天客子倦遨遊
鐘聲忽破高堂夢
清夜迢迢恨未休

酌憑虛閣

樓閣翠微中
當牕烟霧蒙
飄蓬同季子
避在愧君公
客醉松關月
涼生竹院風
俄然動鄉思
愁聽角聲洪

同陳諧孺夜坐對月述懷

長嘆拂吳鉤
當年志未酬
飄零今日恨
迢遞故鄉愁
疲月明如晝
銀河倒欲流
何時破寥寂
與爾盪歸舟

送樊聖如還瓜渚

嗟予作客倍淒涼
看爾征輶返故鄉
君到家園如問訊
于生歧路久亡羊

閨詞

曉起牕櫺日已紅
梨花片、逐東風
自憐薄命

柔腸結春夢依然碎枕中

暮雨孤燈兩不情愁隨春過夏雲生喜看窗外
宜男草恨聽梁間乳燕聲

徙倚妝臺鴈影斜孤征蕩子滯天涯砧聲偏入
愁人耳况復秋風妬麗華

彤雲黯淡雪花飛凜冽寒威擁繡幃斜倚妝臺
望遊子天涯流落幾時歸

苦雨撥悶

孤旅嘆西東山光慘淡中人家蒼樹斷殿閣瑞
雲籠夢破難聽雨愁深憶斷蓬閑居誰與晤靜
坐梵王宮

同惟一上人陳諧孺太學過橋西草堂看
許觀父種竹

主人愛幽僻種竹石橋西舊籜看龍種新梢待
鳳栖當窻經雨媚傷戶受風低坐對塵襟豁王
猷句可題

贈許觀父

冒雨欲何之操觚問字奇
人文高北斗聲譽擅
明時得醉平原酒狂歌
玄度詩何妨當逆旅清
論破淒其

登清涼臺

宿雨初收爽氣開清涼臺
畔暫徘徊穿雲鳥道
人稀迹近郭禪關客自來
望裡江光拖白練坐
中松影蔭蒼苔憑高不盡
登臨興無奈前途落

照催

同陳諧孺李平甫登東山

東山堪載酒與客快登臨
蝶醉花間影鶯嬌柳
外音夕陽懸鳥道清磬度
雲林頓覺前途晚歸
為懷古吟

酬芙蓉社諸子以書見慰兼示佳什

薰風習習遞荷香散髮披襟坐
晚涼尺素忽投
青玉案瑤篇早下白雲鄉
飄蓬建業愁腸折伏

枕東山客夢長書報故園知己者久耽詩僻醉
霞觴

同卞懷我宿獻花崖

法崖高與白雲齊遠徑藤蘿路欲迷把酒漫窮
千里目傲遊聊借一枝棲崖邊樹色層陰合谷
口泉聲下界低醉倚長松發狂嘯數聲清梵自
招提

懷樊聖如文學

黑貂裘敝不勝情疎柳蟬聲逗晚晴夜月當窻
詩思動涼風敲竹夢魂驚那堪病骨親炎暑無
奈窮途憶友生八斗才華君獨擅何時挾策到
神京

坐月獨酌

歲月易云邁飄蓬何所之無人堪對酒有月可
吟詩擊筑歌逾壯彈冠數恐奇迢迢聽清漏獨
坐嘆淒其

與陳諧孺述懷喜樊聖如歸自廣陵

鳥啼鄉夢破客久陪思親激烈彈雙鋏淒遲任
一身驚看故人至始覺笑顏新盡醉元龍酒相
忘送旅貧

過甘寅東息影齋

高齋名息影虛敞絕塵埃院靜疑無暑庭閒合
有苔客緣看竹過予為問奇來揮塵玄言久愁
懷頓爾開

留別下懷我太學樊聖如文學許觀父詞

丈陳諧孺太學

江東遊子問歸津道入維陽轉顧頻慢聽難聲
催去棹愁看歧路別交親自憐傲骨難容俗却
信踈狂可耐貧龍劍忽分腸欲斷思君惆悵淚
沾巾

再別李平甫

登龍方御李忽爾唱驪歌繾綣難分手含愁逐

去波

江行

西風一葉下都城夾岸薰葭慘客情風急驚濤
喧極浦日斜疎柳綰行旌坐看山色侵帆影靜
聽漁歌襍棹聲浪迹幾年猶未遇何如避世謝
浮名

歸自留都喜社中諸子過訪

已過山陰棹嗟予久陸沉蓬門朱履破荒徑白

雲深對酒傷前事持螯喜論心坐看涼月上清
影落庭陰

送周學博之山東壽章

江天十月暗飛霜握手津亭別思長東魯章縫
依講席南州竹箭屬羨墻傳經莫訝青毡冷到
處懸知綵筆揚 聖主掄才今日事蚤羅國士
賦長楊

題顧侍御儼韋園二十四景

碧梧樓

倚檻數枝低
據梧清影接
昨夜忽驚秋
中庭飄一葉

擬舫齋

小築居幽地
開軒傍水涯
清宵凭檻坐
莫是泛星槎

通幽徑

曲徑自深邃
幽人獨來往
長笑擬孫登
林柳聲

清響

木香榭

長橋一尺白
指點木香開
客為看花至
非緣訪戴來

白雪洞

清虛塵不到
太素寂無喧
卷幔分賡坐
還疑在兔園

片雲磯

石借片雲生嶙峋水中見誰知垂釣翁不緣魚
可羨

曳月廊

素影遍迴廊渾如滿地霜庾公幽興足清夜據
胡床

聽鳥亭

亭上落花深芳艸綠如許長日無人行時聞黃
鳥語



